

四庫全書

史部

# 欽定四庫全書

史部

萬壽盛典初集卷二十九至  
二十九至

詳校官宗人府府丞臣寶光孫鼎

編修臣程嘉謨覆勘

總校官知縣臣楊懋珩

校對官編修臣沈清藻

謄錄監生臣姜士安

欽定四庫全書

壽盛典初集卷十九

典禮五

養老二

二十六日癸卯

命二十七日賜八旗老人宴於

暢春園正門前復

諭戶部等衙門會議恩賞從優具奏

領侍衛內大臣內務府總管戶部等衙門遵

旨會議八旗六十五歲以上未及七十歲及不能來者  
俱不議外其能來七十歲以上老人婦人各賞  
布四疋八十歲以上老人婦人各賞布五疋九  
十歲以上老人婦人各賞布六疋繕摺具奏奉  
旨這所議老人年老婦人恩賞殊為太輕其革職官員  
兵丁俱係年幼時行間効命中傷得功牌出力最久  
之人今皆年老矣伊等子孫亦有為官者年至九十  
者亦不多帶至朕前筵宴賞賜如何以布賞之九十

歲以上者人各賞銀二十兩八十歲以上者各賞銀  
十五兩七十歲以上者各賞銀十兩六十五歲以上  
者不在賞內亦著各賞銀一兩其不能來者俱賞給  
一半九十歲以上者各賞銀十兩八十歲以上者各  
賞銀七兩七十歲以上者各賞銀五兩著將銀兩數  
目算明再奏

二十七日甲辰禮部等衙門引八旗滿洲蒙古  
漢軍六十五歲以上老人大學士以下閒散人

等以上至

暢春園正門前東西嚮列坐東坐西嚮內大臣和碩

額駙臣尚之隆內大臣公舅舅臣佟國維領侍

衛內大臣公臣海金領侍衛內大臣侯臣巴渾

特大學士臣溫達臣蕭永藻戶部尚書臣穆和

倫禮部尚書臣赫碩色刑部尚書臣哈山吏部

侍郎臣傅紳戶部侍郎臣塔進泰兵部侍郎臣

巴顏柱理藩院侍郎臣諾木齊代副都御史臣

舒蘭大理寺卿臣孟世泰儀度額真臣佛保臣

賽音敞都統臣善丹臣馬爾賽臣朱瑪喇臣敖

三寧古塔將軍臣孟俄洛護軍統領臣騰額忒

副都統臣毛奇他特臣石如壁臣偏圖臣薩爾

禪臣道服色間散大臣伯臣四格臣圖拉等一

百餘人次列耆老二千餘人西坐東嚮原任領

侍衛內大臣公臣阿爾泰原任尚書臣馬爾漢

臣凱音布臣安布祿臣范承勲臣阿山臣郭世

隆原任總督

臣

石文晟

臣

喻成龍原任侍郎

臣

常書

臣

敷多禮

臣

巴錫

臣

戴都里

臣

多奇

臣

牛

黑納

臣

奴黑

臣

鄂奇

臣

楊舒原任總漕

臣

馬世

濟原任巡撫

臣

王國昌

臣

劉光美

臣

許嗣興原

任學士

臣

瓦爾達

臣

黃茂原任都統

臣

圖世希

臣魯白合

臣

車納福

臣

查拉克兔

臣

齊式

第原任護軍統領

臣

洪海

臣

蘓黑原任副都統

臣禪布

臣

安圖

臣

艾有仕

臣

黃象坤等三百餘



人次列耆老二千餘人有司陳設几席簋簠之  
儀膳羞燔炙之品如二十五日禮飭必有加

諸皇子率諸皇孫及宗室子弟執爵授飲東西前  
後各十餘行次第以徧頃之

上出御幄陞座衆耆老進前跪獻

萬壽觴

上命扶掖八十歲以上者至

御座前

親賜酒一卮於時瑞靄網緼惠風披拂太和翕聚懽若  
家人內大臣臣尚之隆等跪奏曰臣等生逢

聖世身受

殊恩如天之福懼不能勝未知何以仰荅高厚於萬一  
也

駕起還

宮隨傳

旨賜內大臣尚之隆等大學士溫達等致仕尚書馬爾

漢等袍帽有差又

賜八旗耆老人等銀兩有差諸臣及耆老各謝

恩而退

是日宴賚八旗官員八十歲以上

鑲黃旗滿洲三品官鄧光乾一人漢軍原任知縣蒲敏政等五人

正黃旗滿洲六品官達巴納等三人漢軍五品章京孫應麟等二人

正白旗滿洲原任護軍統領蘇黑等十九人漢  
軍原任知縣員養純等二人

正紅旗滿洲原任侍郎敦多禮等八人蒙古佐  
領古穆一人

鑲白旗滿洲先鋒校賽龍阿等五人蒙古驍騎  
校毛什喇一人

鑲紅旗滿洲章京三泰等三人漢軍原任員外  
郎陳懷德等二人

正藍旗滿洲原任拖沙喇哈番蘇黑等八人蒙  
古原任護軍校厄楞特等二人漢軍雅鼐一人  
鑲藍旗滿洲原任禮部侍郎戴都里等九人蒙  
古原任拖沙喇哈番厄爾色等三人

七十歲以上

鑲黃旗滿洲內大臣公舅舅佟國維等六人蒙  
古都統朱瑪喇等六人漢軍原任尚書范承勲  
等十七人

正黃旗滿洲原任尚書凱音布等四十二人蒙  
古護軍統領騰額忒等八人漢軍原任副都統  
黃象坤等二十人

正白旗滿洲原任尚書馬爾漢等六十一人蒙  
古佐領梯第等三人漢軍原任總督石文晟等  
十六人

正紅旗滿洲原任都統查拉克兔等四十二人  
蒙古原任拖沙喇哈番滿達希等三人漢軍步

軍校鍾世孝等七人

鑲白旗滿洲都統圖世希等五十二人蒙古護  
軍校馬巴朗等二人漢軍大學士蕭永藻等四  
人

鑲紅旗滿洲大學士溫達等四十一人蒙古原  
任拖沙喇哈番葛穆德等三人漢軍大理寺卿  
孟世泰等十人

正藍旗滿洲原任學士凡爾達等五十人蒙古

步軍校特古思等二人漢軍拜他拉布勒哈番  
郭函臣等十人

鑲藍旗滿洲戶部尚書穆和倫等五十五人蒙  
古原任護軍叅領查木素等六人漢軍原任巡  
撫許嗣興等五人

六十五歲以上

鑲黃旗滿洲寧古塔將軍孟俄洛等六人蒙古  
原任佐領波第等七人漢軍內大臣尚之隆等



十人

正黃旗滿洲內大臣侯巴渾特等三十人蒙古  
原任副都統艾有仕等五人漢軍原任府丞李  
法祖等九人

正白旗滿洲都統敖三等三十九人漢軍佐領  
張國柱等十二人

正紅旗滿洲原任副都統安圖等三十人蒙古  
拖沙喇哈番花色等二人漢軍步軍校王雙全

等六人

鑲白旗滿洲原任侍郎鄂奇等三十四人蒙古  
原任拖沙喇哈番莽鼐等二人漢軍原任守備  
魏士英一人

鑲紅旗滿洲頭等侍衛朱常鳳等六十九人蒙  
古步軍校托泰等四人漢軍原任總漕馬世濟  
等十人

正藍旗滿洲原任副都統禪布等六人蒙古拜

他拉布勒哈番耨楞等四人漢軍驍騎校朱國璽等六人

鑲藍旗滿洲原任二等侍衛色克巴等二十六人蒙古理藩院侍郎諾木齊代等二人漢軍步軍校徐全周等七人

右各員內

賜內大臣和碩額駙尚之隆舅舅舅佟國維侯巴渾特大學士溫達蕭永藻尚書穆和倫哈山寧古塔將

軍孟俄洛原任尚書馬爾漢凱音布范承勲原  
任都統查拉克兔煖帽各一頂團龍緞袍掛各  
二件韉韉各二雙副都御史岳蘭原任尚書安  
布祿原任侍郎敦多禮涼帽各一頂團龍緞袍  
掛各二件韉韉各二雙原任護軍統領洪海原  
任都統班第原任副都統黃象坤六品官達巴  
納于地都袍掛各二件其餘八十以上銀各十  
五兩七十以上銀各十兩六十五以上銀各一

兩凡現任大臣官員與宴不與賞原任官員未  
與宴者領半賞

是日宴賚八旗披甲閒散人等九十歲以上

鑲黃旗滿洲碩吉輝等二人

正黃旗滿洲孫朝福等二人

正白旗滿洲花鳳彩等二人

正紅旗滿洲哈世泰一人

鑲白旗滿洲靈印等二人漢軍王國敬一人

鑲紅旗滿洲王達等二人

以上各賞銀二十兩未與宴者領半賞

八十歲以上

鑲黃旗滿洲烏納布等二十六人蒙古托克托和等二人漢軍何豹等十二人

正黃旗滿洲張進忠等三十一人漢軍張起雲等二十九人

正白旗滿洲富哈納等三十四人蒙古四兒等

三人漢軍張汝秀等三十二人

正紅旗滿洲趙之英等四十二人蒙古巴顏等  
三人漢軍劉光表等七人

鑲白旗滿洲根泰等二十二人蒙古博恃羅等  
二人漢軍李雲元等十人

鑲紅旗滿洲甘楚喀等二十八人蒙古桃色等  
五人漢軍張福等十六人

正藍旗滿洲勒色禮等三十人蒙古里格等四

人漢軍張百祿等十二人

鑲藍旗滿洲葉庫納等五十七人蒙古薩爾圖  
等八人漢軍孟猷祭等五人

以上各賞銀十五兩未與宴者領半賞

七十歲以上

鑲黃旗滿洲黨大等二百十一人蒙古巴拜等  
四十一人漢軍王成等六十二人

正黃旗滿洲黑色等二百十九人蒙古黨色等



十六人漢軍張義振等二百零一人

正白旗滿洲光柱等一百八十五人蒙古造經  
等二十七人漢軍董奇等一百七十八人

正紅旗滿洲張治宇等二百零七人蒙古保柱  
等八人漢軍陸登朝等二十四人

鑲白旗滿洲長壽等一百九十六人蒙古巴木  
布什等十八人漢軍顧邦懷等五十五人

鑲紅旗滿洲吳大禪等一百七十五人蒙古柯

士德等十二人漢軍辛喜等七十三人

正藍旗滿洲沈陽等一百六十一人蒙古六兒等三十人漢軍陳秉治等三十六人

鑲藍旗滿洲費雅達等三百五十三人蒙古哈希泰等三十人漢軍金壽等三十七人

以上各賞銀十兩未與宴者領半賞

六十五歲以上

鑲黃旗滿洲二黑等四十人蒙古南超等二十

八人漢軍張魁等四十人

正黃旗滿洲三奇等一百四十二人蒙古阿玉璽等七人漢軍朱治國等一百五十四人

正白旗滿洲舒爾黑等一百四十九人蒙古歪拉海等九人漢軍周文方等十三人

正紅旗滿洲多爾濟等四十二人蒙古二哥等十一人漢軍張進忠等二十四人

鑲白旗滿洲朝什喜等八十二人蒙古趕年兒

等十三人漢軍郭有功等四十八人

鑲紅旗滿洲色勒等一百八十三人蒙古三鬼  
等八人漢軍羅奇生等二十六人

正藍旗滿洲哈賴等四十九人蒙古艾都等十  
五人漢軍李大韓等四十二人

鑲藍旗滿洲姑圖氣等八十七人蒙古阿穆呼  
朗等二人漢軍周有壽等六十八人

以上各賞銀一兩

是日

命二十八日賜八旗年老婦人宴於

暢春園

皇太后宮門前

領侍衛內大臣內務府總管吏部等衙門會議  
大臣官員之妻革職部院官員之妻革職官員  
兵丁執事人員閒散人等之妻七十歲以上年  
老婦人擬於二十八日賜宴繕摺具

奏奉

旨依議筵宴處朕親指示

二十八日乙巳禮部等衙門引八旗滿洲蒙古

漢軍七十歲以上年老婦人至

暢春園

皇太后宮門前東西嚮列坐頃之九十歲以上者召至

宮內凡大臣之妻年不及九十亦酌量召至

宮內賜坐

皇太后

皇上親視賜宴分頒果餌食席八十歲以上者丹墀下列坐七十歲以上者宮門外列坐

諸皇子率諸皇孫暨宗室子弟分視賜宴頒給果餌食席宴畢

賜召至

宮內年老婦人豐貂文綺素珠銀兩有差

是日八旗官員之妻進

宮內賜宴者共五十二人

九十歲以上共六人

正黃旗滿洲原任侍衛烏爾佳齊之妻賴普氏  
等二人漢軍原任遊擊李向日之妻劉氏等二  
人

正白旗滿洲原任郎中噶哈之妻一人漢軍原  
任副都統徐治通之妻毛氏一人

八十歲以上共十一人



鑲黃旗滿洲原任侍衛薩木哈之妻一人

正黃旗滿洲原任一等阿達哈哈番達哈泰之妻覺羅氏等二人

正白旗滿洲原任杭州將軍郭丕之妻等二人  
漢軍原任阿達哈哈番王美之妻秦氏一人

正紅旗滿洲原任副都統莫達之妻老氏一人

鑲紅旗蒙古原任驍騎校石大達之妻完顏氏

一人

正藍旗漢軍原任總兵官吳萬福之妻蘇氏一人

鑲藍旗滿洲原任副都統馬齊之妻等二人  
七十歲以上共三十五人

鑲黃旗滿洲內大臣舅舅佟國維之妻等八人  
正黃旗滿洲原任尚書哈雅爾圖之妻那喇氏  
等九人

正白旗滿洲原任都統瓦爾達之妻等五人漢

軍原任精奇尼哈番曹希林之妻李氏一人

正紅旗滿洲原任都統查拉克圖之妻佛岳洛氏等六人

鑲白旗滿洲原任都統年哈之妻陳氏等二人

鑲紅旗滿洲原任護軍叅領蘇敏之妻羊察氏

一人

正藍旗滿洲侍郎布爾賽之妻等二人

鑲藍旗蒙古原任阿思哈尼哈番巴爾賽之妻

一人

以上各

賜袍掛緞疋素珠等物有差

八旗披甲閒散之妻九十歲以上進

宮內賜宴者共二十八人

百歲以上一人

鑲白旗滿洲子二之妻富氏年一百三歲

賜銀三十兩素珠一盤宮紗手巾一條

九十歲以上共二十七人

鑲黃旗滿洲桑格之妻等四人蒙古克什兔之妻一人漢軍楊成名之妻王氏一人

正黃旗滿洲李大之妻賈氏等五人蒙古額布根之妻一人漢軍劉應元之妻呂氏一人

正白旗滿洲布什圖之妻一人蒙古雨沐之妻等二人

正紅旗滿洲哈世泰之妻吳氏一人

鑲白旗滿洲布爾泰之妻完顏氏等四人

鑲紅旗滿洲哈爾薩之妻金氏等二人漢軍張忠之妻陳氏一人

正藍旗滿洲蘇喇之妻一人漢軍高文登之妻楊氏一人

鑲藍旗漢軍龐起龍之妻一人

以上各

賜銀二十兩及素珠壽杖等物其九十以上年老婦人

未與宴者八旗共三十一人各領半賞銀十兩

四月初二日巳酉

命賞給八旗年老婦人銀兩有差

禮部儀制清吏司為知會事本年三月二十八日奉

旨今日年老婦人若照老人一體給賞伊等皆係婦人必致煩劇今召進殿內九十以上婦人及大臣之妻

并朕識認者朕賞之其七十八以上者筵宴畢令  
各回本旗該旗都統等會同曾經會議大臣將來者  
與未來者逐一查明賞給務令均霑實惠賞過銀兩  
數目據實奏聞欽此相應知會八旗都統副都統等  
將二十八日筵宴過老婦人并不能赴宴老婦  
人逐一查明各具木牌填寫歲數何項人妻  
伊子係何項人帶往

暢春園可也



是日賞八旗八十歲以上官員之妻

鑲黃旗蒙古一人漢軍四人

正黃旗滿洲二十人蒙古八人漢軍十五人

正白旗滿洲三十一人蒙古一人漢軍十八人

正紅旗滿洲二十五人蒙古三人漢軍三人

鑲白旗滿洲十九人蒙古一人漢軍四人

鑲紅旗滿洲十九人漢軍七人

正藍旗滿洲十四人蒙古一人漢軍三人

鑲藍旗滿洲十六人蒙古三人

披甲閒散之妻

鑲黃旗滿洲一百十三人蒙古十人漢軍十一

人

正黃旗滿洲七十六人蒙古六人漢軍六十一

人

正白旗滿洲八十人蒙古八人漢軍六十五人

正紅旗滿洲六十七人蒙古七人漢軍十人

鑲白旗滿洲二十一  
人蒙古六人漢軍十七  
人  
鑲紅旗滿洲九十  
人蒙古十一人漢軍二十九  
人

正藍旗滿洲四十  
人蒙古九人漢軍十八  
人

鑲藍旗滿洲一百  
二十二  
人蒙古三人漢軍十  
四人

以上各賞銀十五兩  
未與宴者領半賞

七十歲以上官員之妻

鑲黃旗滿洲二人蒙古二十一人漢軍三十九人

正黃旗滿洲一百二十三人蒙古六人漢軍四十三人

正白旗滿洲一百二人蒙古十二人漢軍四十九人

正紅旗滿洲一百十八人蒙古十九人漢軍十七人

鑲白旗滿洲一百五十三人蒙古八人漢軍十  
八人

鑲紅旗滿洲十七人蒙古十五人漢軍三十一  
人

正藍旗滿洲一百三人蒙古十七人漢軍三十  
三人

鑲藍旗滿洲一百九人蒙古九人漢軍二人  
披甲閒散之妻

鑲黃旗滿洲四百九十三人蒙古八十二人漢軍一百四十七人

正黃旗滿洲三百五十五人蒙古四十一人漢軍三百五十八人

正白旗滿洲三百九十八人蒙古六十五人漢軍二百八十五人

正紅旗滿洲二百九十七人蒙古二十六人漢軍五十五人

鑲白旗滿洲一百二十人蒙古三十九人漢軍  
九十一人

鑲紅旗滿洲二百九十三人蒙古三十八人漢  
軍一百四人

正藍旗滿洲二百七十六人蒙古六十六人漢  
軍五十七人

鑲藍旗滿洲五百八十二人蒙古六十六人漢軍  
六十一人

以上各賞銀十兩未與宴者領半賞

五月二十二日戊戌

命副都統佛濟保赫達戶部侍郎喀進泰禮部侍郎馮  
忠通政使劉相分賞內扎薩克喀爾喀等五路  
蒙古老人銀兩有差

先是康熙五十一年五月二十七日行在理藩  
院奉

旨查內扎薩克喀爾喀厄魯特歸化城察哈爾老人先



有查民人老人之例這次亦照此例查不必急速或  
伊等有已來者或有探信來者即將印文交與帶去  
著各固山照此歲以上查明保來將此文交與扎薩  
克元旦來朝之人親身帶來其不來之扎薩克即著  
協理台吉帶來

康熙五十二年五月初四日戶部等衙門謹

題為欽奉

恩詔事康熙五十二年三月十八日奉

恩詔內開八旗滿洲蒙古漢軍兵丁及內扎薩克喀爾喀等蒙古年七十八九十以上者分別賞賚至百歲者題明給與建坊銀兩欽此欽遵該臣等會議得

八旗滿洲蒙古漢軍內七十八九十以上者皇上洪恩俱各已經賞賜銀兩毋庸議外至百歲者各該旗確查移咨禮部題明在戶部支給建坊銀兩至扎薩克喀爾喀等蒙古七十以上者五千九百二十二名八十以上者六百二十五名九

十以上者三十名共六千五百七十七名酌量  
七十以上者各給銀四兩八十以上者各給銀  
六兩九十以上者各給銀八兩賞給一百零四  
歲格龍一名行文禮部題明將建坊銀兩亦在  
戶部支給此賞扎薩克作為兩路喀爾喀所住  
遙遠作為三路此賞係

皇上萬壽大慶洪恩每路或派副都統或派侍郎一員  
戶部章京一員理藩院章京一員將所賞銀二

萬七千六百七十八兩戶部庫內支取帶去會  
同該屬扎薩克等逐一查明賞給伊等本身此  
放賞去大人官員周行各旗給與驛馬俟

命下之日將應差八旗滿洲蒙古副都統部院衙門侍  
郎開列職名具題可也本月初六日奉

旨依議

五月十九日戶部謹

題為欽奉

恩詔事先經臣部等部會議得將內扎薩克喀爾喀等  
蒙古七十八十九以上者共六千五百七十  
七名酌量賞給伊等銀兩此遣往賞給將內扎  
薩克等作為二路喀爾喀等所住遙遠作為三  
路每路或派副都統或派侍郎一員戶部章京  
一員理藩院章京一員將所賞給銀共二萬七  
千六百七十八兩在戶部庫內支取帶去會同  
該屬扎薩克等逐一查明賞給伊等本身

命下之日將應差八旗滿洲蒙古副都統部院衙門侍郎侍郎等品級堂官開列職名具題等因於康熙五十二年五月初四日題本月初六日奉

旨依議欽此欽遵應將內扎薩克喀爾喀等五路應差副都統侍郎等品級堂官職名開列謹題伏乞  
欽點大臣五員此派出大人官員等賞賚事竣各將賞  
給錢糧人數奏

聞可也本月二十二日奉

旨賞給內扎薩克喀爾喀等五路蒙古老人著佛濟保  
赫達塔進泰馮忠劉相去餘依議

康熙五十三年四月初一日西路喀爾喀地方  
放賞副都統佛濟保東路喀爾喀地方放賞副  
都統赫達中路喀爾喀地方放賞侍郎塔進泰  
科爾沁等旗放賞侍郎馮忠烏朱穆秦等旗放  
賞通政使劉相等奏為欽奉

恩詔賞給五路蒙古老人銀兩事臣等到喀爾喀科爾

沁烏朱穆秦等處所賞衆扎薩克中有一百四  
歲格龍一人九十以上男女三十五人八十以  
上男女六百三十二人七十以上男女五千八  
百五十一人共賞銀二萬七千五百零六兩所  
賞之處扎薩克王等各率領老少俯伏叩頭奏  
稱

聖主因萬壽大慶蒙特遣大臣至此賞賜自古所未有  
也臣民年老無用均霑



聖恩不能圖報惟願

皇上萬壽無疆共祝於天將年老臣民之壽上增

聖壽求為轉奏謝

恩謹此奏

聞本日奉

旨知道了

萬壽盛典初集卷十九

欽定四庫全書

萬壽盛典初集卷二十

典禮五

養老三

直隸巡撫趙宏燮等先後題報欽奉

恩詔賞給老人絹綿米肉銀兩有差

直隸巡撫趙宏燮題報所屬順天等九府八十  
以上老人一萬九千六百八十一名九十以上  
老人一千九百三十名共給過絹綿米肉價銀

三萬五千八百五兩有奇又宣化府屬給過本色米一千三十二石

江南江蘇巡撫張伯行題報所屬江寧等七府一州七十以上老人五萬六千四百八十八名八十以上老人一萬四千七百八十八名九十以上老人一千六百四十五名共給過綿米肉價銀二萬七百八十九兩七錢又本色絹一萬八千七十八疋

江南安徽巡撫梁世勲題報所屬安慶等七府  
三州七十以上老人三萬七千七百五十八十  
以上老人一萬九千二百二十五名九十以上  
老人一千三百五十五名共給過綿米肉價銀  
二萬四千九百三十三兩有奇又本色絹二萬  
一千九百三十五疋

山東巡撫蔣陳錫題報所屬濟南等六府七十  
以上老人七萬三百五十三名八十以上老人

二萬六千七百三十四名九十以上老人八百  
二十三名共給過絹綿米肉坊價銀六萬三百  
七十六兩有奇又永利等各場竈七十以上老  
人二百六十四名八十以上老人七十一名九  
十以上老人十名共給過絹綿米肉價銀一百  
五十三兩有奇

山西巡撫蘇克濟題報所屬太原等五府三州  
八十以上老人一萬八千一百四十二名九十

以上老人二千一百七十一名共給過絹綿米  
肉價銀三萬七千五百四十八兩有奇

河南巡撫鹿祐題報所屬開封等八府一州七  
十以上老人二萬一百九十一名八十以上老  
人六千四百八十九名九十以上老人一千六  
百五十名共給過絹綿米肉價銀一萬四千八  
百二十三兩有奇

陝西巡撫永泰題報所屬西安等四府一州八

十以上老人一萬三百八十一名九十以上老人一千五百九十八名共給過絹綿米肉價銀二萬七千二百八十九兩有奇

甘肅巡撫岳拜題報所屬平涼等四府七十以上老人一萬五千一百五名八十以上老人三千九百九十四名九十以上老人一千三百八十八名共給過絹綿米肉價銀一萬三千八十八兩有奇



湖廣巡撫劉殿衡題報所屬武昌等八府七十  
以上老人二萬一百六十八名八十以上老人  
一萬三百三名九十以上老人一千九百六十  
二名共給過絹綿米肉價銀二萬七百七十一  
兩有奇

偏沅巡撫潘宗洛題報所屬長沙等七府二州  
七十以上老人一千五百八十名八十以上老  
人一千二百四名九十以上老人九百六十四

名共給過絹綿米肉價銀四千二百五十九兩有奇

浙江巡撫王度昭題報所屬杭州等十一府八十以上老人一萬二千三百十九名九十以上老人八百七名共給過絹綿米肉價銀二萬六千二百四十一兩有奇

江西巡撫佟國勳題報所屬南昌等十三府七十以上老人一萬五百四十二名八十以上老

人三千七百五十名九十以上老人二千三百八十名共給過絹綿米肉價銀一萬三千四百四十五兩有奇

福建巡撫覺羅滿保題報所屬福州等九府一州七十以上老人三萬四千九百六十一名八十以上老人三千八百五十四名九十以上老人八百九十二名共給過絹綿米肉價銀一萬一千一百四十四兩有奇又臺灣府屬給過本

色米一百八十一石

廣東巡撫滿丕題報所屬廣州等十府一州八十以上老人一萬一千六百一十二名九十以上老人八百五十一名共給過絹綿米肉價銀二萬五千七百一十三兩有奇

廣西巡撫陳元龍題報所屬桂林等十二府七十以上老人五百五十名八十以上老人二百九名九十以上老人七十一名共給過絹綿米

肉價銀五百五十九兩有奇又本色米二百十三石

四川巡撫年羹堯題報所屬成都等十府六州七十以上老人四百九名八十以上老人一百八十四名九十以上老人五十四名共給過絹綿米肉價銀六百三十兩有奇

貴州巡撫劉蔭樞題報所屬貴陽等十二府七十以上老人一千三百四十八名八十以上老

人三百七十一名九十以上老人一百二十三名共給過絹綿肉價銀八百二兩有奇又本色米六百十七石

雲南巡撫吳存禮題報所屬雲南等二十府七十以上老人六千三百七十九名八十以上老人四千五十九名九十以上老人四百四十六名共給過絹綿肉價銀五千六百四十四兩有奇又本色米四千九百五十一石

奉天府府戶董宏毅題報所屬奉天等二府七十以上老人二百十五名八十以上老人六十五名九十以上老人八名共給過絹綿肉價銀九十五兩有奇又本色米八十一石

川陝總督鄂海等先後題報欽奉

恩詔賞給駐防八旗老人銀兩有差

康熙五十二年三月十三日兵部題為欽奉

上諭事准行在理藩院咨稱康熙五十一年五月二十

七日太監梁九公傳

旨查內扎薩克喀爾喀厄魯特歸化城察喀爾老人先  
有查民人老人之例這次亦照此例查不必急速或  
他們有已來者或有探信來者即將印文交與他帶  
去著各固山照此歲以上查明保來將此文交與扎  
薩克等元旦來朝之人親身帶來其不來之扎薩克  
即著協理台吉帶來再八旗滿洲蒙古漢軍盛京黑  
龍江寧古塔右衛江寧杭州荊州西安福建廣東等



處並漢軍將軍副都統城守尉防守尉所在地方該衙門俱各行文亦照此將老人查明報部具奏欽此  
除內扎薩克喀爾喀厄魯特本院行查外為此咨會等因前來准此臣部通行八旗各省駐防等處並察哈爾八旗去後其京城八旗年老之人  
都統查明具奏外今各省將軍副都統城守尉防守尉關口守禦察哈爾總管各將所屬地方  
老人查明保奏前來查得

奉天將軍伯常保佳等來文七十以上老人一  
千二十五名八十以上老人二百七十五名九  
十以上老人一十二名共一千三百十二名此  
內官員二十九名另戶一千二百八十三名  
統領恩丕等來文七十以上老人八十名八十  
以上老人十八名共九十八名此內官員十四  
名官員之妻二名另戶女人十五名

寧古塔將軍孟俄洛等來文七十以上老人三

百四十四名八十以上老人七十九名九十以  
上老人五名一百三歲老人一名共四百二十  
九名此內官員十六名另戶人四百一十三名  
黑龍江將軍宗室楊福等來文七十以上老人  
二百五十三名八十以上老人五十名九十以  
上老人四名共三百七名此內官員十五名另  
戶人二百九十二名

奮威將軍公費揚古等來文七十以上老人三

十名八十以上老人二名共三十二名此內官  
員五名另戶二十七名

西安將軍西住等來文七十以上老人一百九  
名八十以上老人三十一名九十以上老人一  
名共一百四十一名俱另戶

荊州將軍達爾占等來文七十以上老人三十  
七名八十以上老人五名共四十二名俱另戶  
杭州將軍宗室諾羅布等來文七十以上老人

十三名八十以上老人二名共十五名俱另戶  
江寧將軍鄂克遜等來文七十以上老人五十  
五名八十以上老人六名九十以上老人二名  
共六十三名俱另戶

鎮海將軍侯馬三奇等來文七十以上老人五  
十九名八十以上老人二十四名九十以上老  
人一名共八十四名俱另戶

廣州將軍管源忠等來文七十以上老人七十

名八十以上老人二十三名九十以上老人一名共九十四名俱另戶

福州將軍祖良璧等來文七十以上老人二十六名八十以上老人六名九十以上老人一名共三十三名俱另戶

太原城守尉阿琳來文七十以上老人十一名八十以上老人一名共十二名俱另戶

德州城守尉努勒布來文七十以上老人二十

三名八十以上老人五名共二十八名此內官員之妻一名另戶男人十二名另戶女人十五名

滄州城守尉索佳來文七十以上老人三名俱另戶

保定府城守尉馬海來文七十以上老人十名八十以上老人一名共十一名俱另戶

良鄉縣防守尉胡什巴來文八十以上老人一

名係另戶女人

順義縣防守尉常存來文七十以上老人四名  
八十以上老人二名共六名此內官員之妻一  
名另戶女人五名

寶坻縣防守尉吳爾泰來文七十以上老人三  
名俱另戶

東安縣防守尉賽佳來文七十以上老人十一  
名八十以上老人三名共十四名此內官員一



名另戶女人六名包衣男人二名包衣女人五  
名

昌平州防守尉王愛來文七十以上老人一名  
另戶人

固安縣防守尉伍勒來文七十以上老人一名  
另戶人

玉田縣防守尉郭里來文七十以上老人四名  
八十以上老人一名共五名此內官員二名另

戶人三名

永平府防守尉阿爾賽來文七十以上老人三名八十以上老人一名共四名俱另戶

三河縣原任防守尉索顏來文七十以上老人二名此內官員一名另戶男人一名

霸州防守尉阿達哈來文七十以上老人二名八十以上老人一名共三名俱另戶

山海關總管達里來文七十以上老人十九名

八十以上老人十名共二十九名此內官員一  
名官員之妻一名另戶男人九名另戶女人十  
一名包衣男人四名包衣女人三名

張家口城門尉馬鶴來文七十以上老人六名  
八十以上老人三名共九名此內官員二名另  
戶男人七名

張家口外牛羊羣總管折庫納來文七十以上  
老人四名俱另戶

獨石口守禦花善來文七十以上老人二名俱  
另戶

喜峰口守禦薩克查來文七十以上老人三名  
八十以上老人二名共五名俱另戶

冷口守禦烏爾禪來文七十以上老人一名八  
十以上老人一名共二名此內另戶男人一名  
另戶女人一名

鑲黃旗察哈爾統領肯太等來文七十以上老

人一百七十九名八十以上老人十名共一百八十九名此內官員五名官員之妻五名另戶男八五十九名另戶女人一百二十名

正黃旗察哈爾統領色楞敦佳等來文七十以上老人一百七十一名八十以上老人二十名九十以上老人三名共一百九十四名此內另戶男人四十名另戶女人七十八名包衣男人三十九名包衣女人三十七名

正白旗察哈爾統領常齊保等來文七十以上  
老人一百三十七名八十以上老人十二名共  
一百四十九名此內官員一名官員之妻二名  
另戶男人五十二名另戶女人九十四名

正紅旗察哈爾統領常明等來文七十以上老  
人二十七名八十以上老人二名共二十九名  
此內另戶男人十八名另戶女人十一名

鑲白旗察哈爾統領阿育什等來文七十以上

老人四十五名八十以上老人四名共四十九  
名此內另戶男人二十五名另戶女人二十四  
名

鑲紅旗察哈爾統領阿里渾等來文七十以上  
老人三十八名八十以上老人四名共四十二  
名此內官員之妻二名另戶男人十七名另戶  
女人二十三名

正藍旗察哈爾統領黑森等來文七十以上老

人一百名八十以上老人十三名共一百十三  
名此內另戶男人四十一名另戶女人七十二  
名

鑲藍旗察哈爾統領佛保等來文七十以上老  
人六十九名八十以上老人八名共七十七名  
此內另戶男人二十四名另戶女人五十三名  
以上老人七十歲以上者共二千九百八十名  
八十歲以上者共六百二十六名九十歲以上



者共三十名一百三歲老人一名共三千六百  
三十七名此內官員九十二名官員之妻十四  
名另戶男人二千九百一十三名另戶女人五  
百二十八名包衣男人四十五名包衣女人四  
十五名為此謹

題奏

聞本日奉

旨文與內閣

陝西西安布政使司為知會事蒙總督川陝鄂  
按驗准戶部咨前事內開西安駐防八旗滿洲  
蒙古漢軍年老七十八十者賞給銀兩另造清  
冊緣由案行到司蒙此遵將支過銀兩數目兵  
丁花名冊理合造報施行內開鑲黃旗滿洲七  
十老人一名漢軍七十老人八名正黃旗滿洲  
七十老人三名八十老人二名漢軍七十老人  
八名八十老人三名正白旗滿洲七十老人十

二名八十老人二名漢軍七十老人五名八十  
老人一名正紅旗滿洲七十老人七名八十老  
人二名漢軍七十老人八名鑲白旗滿洲七十  
老人一名漢軍七十老人八名鑲紅旗滿洲七  
十老人六名八十老人一名漢軍七十老人九  
名八十老人三名正藍旗滿洲七十老人三名  
漢軍七十老人六名八十老人二名鑲藍旗滿  
洲七十老人八名八十老人二名漢軍七十老

八十一名八十老人一名以上共七十老人一百四名每人賞銀四兩八十老人一十九名每人賞銀六兩共賞過銀五百三十兩

各省駐防八旗老人并察哈爾八旗老人賞給恩例俱照此不備載

萬壽盛典初集卷二十

欽定四庫全書

萬壽盛典初集卷二十一

典禮五

養老四

禮部尚書赫碩色等先後題明欽奉

恩詔請給百歲以上老人建坊銀兩八旗直省及喀爾喀所屬共三十有三人

康熙五十二年五月理藩院尚書阿靈阿咨送喀爾喀多羅郡王和碩額駙端多布多爾濟所

屬格龍冊臨年一百四歲

本年八月福建巡撫覺羅滿保題報德化縣老人張岳榮南安縣老人李華天俱年一百一歲  
本年九月河南巡撫鹿祐題報鹿邑縣老民王國年一百歲虞城縣老民種天章年一百二歲  
汝陽縣老民夏旻年一百二歲西平縣老民焦倫長年一百一歲

本年十一月寧古塔將軍孟俄洛咨送管理驛

站官岳顓本佐領下鄂默和索洛驛驛夫李三年一百三歲

康熙五十三年正月貴州巡撫劉蔭樞題報思州府老人張鶴雲年一百一歲印江縣老人陳紹泰年一百二歲餘慶縣老人張三祥年一百歲

本年二月浙江巡撫王度昭題報餘姚縣民謝兼才之妻傅氏年一百歲

本月護理偏沅巡撫印務布政司阿琳題報桃  
源縣老人龔文楚年一百一歲

本年三月山西巡撫蘇克濟題報屯留縣老人  
蕭自富年一百三歲臨晉縣老人陳之璠年一  
百二歲

本月福建巡撫覺羅滿保題報龍溪縣老人林  
敬李邦龍俱年一百歲詔安縣老人鍾志高年  
一百歲



本年四月雲南巡撫吳存禮題報尋甸州老人  
李輝祖年一百一歲

本月陝西巡撫永泰題報盩厔縣老人毛奇年  
一百二歲蒲城縣老人宋永熙王日中曹允龍  
俱年一百一歲吳朝銀年一百三歲澄城縣老  
人王天祐年一百二歲

本年五月陝西巡撫永泰題報醴泉縣民劉芳  
節之妻邱氏年一百二歲

本年六月直隸巡撫趙宏燮題報文安縣副將  
馬自新之妻徐氏年一百歲

本年七月江寧巡撫張伯行題報山陽縣民任  
邦經之妻張氏年一百歲

本年八月湖廣巡撫劉殿衡題報江夏縣民黃  
太位之妻歐陽氏年一百歲

本年十一月廣東巡撫滿丕題報南海縣老人  
生員黃猶顯年一百一歲三水縣老人羅萬祥

年一百一歲高要縣老人梁楚環年一百三歲  
開平縣老人張子標年一百歲

臣等伏覩

皇上御極五十餘年一道同俗引年尚齒凡七十以上  
老人恩例每逢

國家慶典徧行賜給光天之下化日之中含飴扶杖  
嬉遊太平者多歷年所矣至是以慶祝集

京師

皇上稽古禮文肇行盛典國老庶老次第錫宴以示慈惠而恩賚所及則荒陬遠徼罔弗沾濡蓋虞夏以來未有也六經之言養老者書稱耄耋詩詠授几條目之詳具於三禮王制曰有虞氏養國老於上庠養庶老於下庠夏后氏養國老於東序養庶老於西序殷人養國老於右學養庶老於左學周人養國老於東膠養庶老於虞庠所謂國老者有六鄉之鄉老有卿大夫致政之耆老

有三老五更之老所謂庶老者有引戶校年之  
老有司徒以保息養之之老有遺人以委積養  
之之老有司門以其財養之之老虞夏商之禮  
周人脩而兼用之祝噎祝哽執醬執爵羅氏獻  
鳩外饗掌亨酒正供酒稿人供食彬彬極盛矣  
顧以其時考之王制言七十養於學達於諸侯  
周官言夫家老幼鄉遂大夫董其事月令養衰  
老授几杖行糜粥亦申命有司故王巡狩之禮

就見止及百年鄉飲酒之禮齒位秩於黨正凡  
天子春秋入學合樂所親行燕饗食之禮以養  
之者國老庶老度不過近郊數百里間而又兼  
攷德行鄭氏註所謂老人衆多不可皆養者是  
也東遷以後禮制漸湮漢文始詔問民間長老  
八十以上賜肉九十以上賜帛歷代多遵行之  
光武建三雍之禮明章繼統尊事三老兄事五  
更號為隆軌魏晉而降依倣其議然辟雍所養

特三老五更二人而羣老不與焉既非古禮之  
意而歲時粟帛之賜長吏怠事莫肯躬親甚至  
糠粃相半不可飲食延及唐宋登板授之官則  
濫給恩澤降存問之詔則空飾文辭四代聖人  
以孝弟風示天下之意闕焉未講蓋二千年於  
茲矣

皇上遠覽古今事以義起於慶祝禮成特行養老之典  
上自公卿下逮氓庶咸造几筵古國老庶老之

位也年六十五以上即得預宴周官六十有五  
不任役事之義也臣民則同日而別其班滿漢  
則分日而均其惠推恩訖於廢疾錫類下及婦  
人合九域之歡心介百順之景福燕衍者三日  
飫德者萬人此虞夏商周之所未能儼也

親臨閱視臣民八九十以上手授杯斚

諸皇子皇孫率宗室子弟往來勸侑執爵饋食之  
文也



勅諭耆老俾各歸訓里閭儀禮大夫士老於鄉尊為民  
師以教鄉人士之式也登降則並集宗藩酬酢  
則不遺疏賤降天潢而脩子弟之職發

德音以培風俗之原協萬邦於孝悌力田措一世於  
和平寬大敦崇根本道遵善祥此漢唐宋明之  
所不敢望也至於方域遼廓則戒有司以時拊  
循塞徼遐荒則勅邊吏所在存恤臣等竊揆

恩詔所及蒙恩不下億兆人經費不下百萬計兒齒台

背鳩杖逍遙朝有三壽之朋野多百齡之瑞天  
人訢合中外禔福其信然矣然則本之以誠秩  
之以禮教之以義終之以仁一舉而衆善備焉  
董仲舒曰堯舜行德則民仁壽司馬遷曰煙火  
萬里人民樂業自年六七十翁遊敖嬉戲如小  
兒狀以今準古殆於兼之皆我

皇上老老之一心有以握其原而衍於無窮也臣民銜  
恩奏謝凡遵照成格恭報人數銀兩者概置不

錄間采數章於後以附曠典鴻施永垂奕禩云  
內大臣和碩額駙臣尚之隆等奏為恭謝

天恩事欽惟

皇上至仁性植景福天申躋一世於春臺享萬年之厯  
服大德必壽聖言明徵昌後燕天詩篇炳煥茲  
者恭逢

萬壽六十自近畿遠省暨於海濱邊陲老幼扶攜奔趨  
闕下盈千累萬祝

聖瞻

天此誠發於愛戴之公心故不覺其歡呼之同願自三

月朔日至二十一日日霽風和塵霾不掛

輦路所經萬姓跪伏焚香填塞道路咸得仰觀

天表俯愜輿情蒙

皇上賜席數千張自

暢春園至禁城沿途擺設

命皇子皇孫百餘人步行看視醉飽

天恩普及臣庶逮至祝頌事畢二十二二十三兩日甘  
雨應時淋漓普遍貽我來牟兆啓豐穰臣等愚  
昧有以竊窺天意人心上下嚮應斷斷乎其不  
爽者也更蒙

皇上軫念遠來數萬官民於二十五二十七等日舉行  
養老之典且使臣等在朝滿漢大小臣僚以至  
八旗兵丁閒散人等齒及格者皆得與焉

皇上御殿

令皇子皇孫執爵

皇上親賜臣民耆老者酒又

命皇子皇孫執爵傳觴徧行勸侑二十八日又齊集八

旗數萬年老婦人於

皇太后宮

賜宴隆儀渥澤振古稀聞凡兵民男婦人等自六十五

以上者賜緞疋衣服及銀兩有差又進臣等於

內自六十五以上者賜煖涼帽袍掛鞞襪寶硯

各有差詩所稱般賚之恩旨酒之貺袞黼之錫  
未足為喻也至於庶臣以註誤落職者咸矜其  
年老還以原官使完晚節其中大臣逮事

世祖章皇帝者則復

特加宮保以示

殊恩故事

恩詔封蔭止於現任

特旨休廢之臣亦得破例均霑此皆歷代之所未有者

也

皇上手撰諭旨示天下老人以

朝廷優養之恩寔為草野風勵之本俾各歸家教導子  
孫力行孝弟以篤風化之原以興禮樂之基

訓詞深厚臣等跪讀之下莫不竦然動心焉伏念臣等  
生際明期躬逢

曠典平昔之所未聞者今日皆得親見千載一時欣幸  
何極況乃共沐



恩波光榮逾分感極生愧又未知枯朽之身何以仰酬  
雨露之施於萬一也臣等不勝歡忭感激之至謹合詞

具奏稱謝以

聞

總督淮揚等處地方提督漕運海防軍務兼  
理糧餉兵部右侍郎兼都察院右副都御史  
臣郎廷極謹

題為

天心下逮高年野老親霑

皇澤隆恩曠古下恤難酬謹據輿情代疏

題達事據淮屬耆民龐爾淳等呈稱竊惟哲后有引  
年之典昔王有養老之文虞夏以降或僅得之  
傳聞漢唐以還久不逢茲盛事何期生當

聖世乃得躬覲

天顏殊恩為千載所難逢感激尤寸忱所莫罄茲康熙  
五十二年三月十八日恭逢

聖主六旬萬壽淳等身沐揮絃之化虔申曝日之私不  
過如螻蟻之望雲豈敢企草茅之登

陛若使得邀

天聽便為生世之榮寵以俞詞已沐雲霄之澤乃蒙  
九重賜宴三殿陳籩天漿法饌竟霑藜藿之賜玉膾金  
羹徧飫田氓之腹

皇子皇孫之貴手遞霞觴不識不知之民親嘗雕  
俎更復黼帷近啓黃幄遙開

紫綉親傳真喜去天不遠

玉音時降咸誇近日偏多既以次而問年復計人而頒

賜

皇恩徧及

聖澤胥霑竊考古書所載執爵執醕僅為鄉里尚齒之

文賜帛賜租已極盛朝逮下之德未有躬履雲

階月地之貴身近

龍顏日角之光引以家人父子之親被以異數隆施之

渥如

今日者也淳等喜極若驚固已永鑄肺腑感深入骨

無由自獻

闕廷為此籲請專疏代題恭謝

天恩又據淮安府知府梁星煜具詳前來等因到臣欽  
惟我

皇上仁弘覆載澤徧寰區

恩德被於萬方臣僚稱慶聲教訖於四海野老均霑今

據淮屬耆民龐爾淳等籲請代題臣目擊輿情  
真切理合具疏代題恭謝

天恩伏乞

宸覽施行

兵部右侍郎兼都察院右副都御史總督河  
道提督軍務加五級臣趙世顯謹

題為

聖德廣被海宇野老親霑

帝澤謹據輿情恭疏代謝

天恩事據江南淮揚徐府州縣沿河耆民高天成等呈  
稱伏惟我

皇上功高五帝道邁百王乃聖乃神仁恩周於四表允  
文允武聲教及於八荒海不揚波頌太平者五  
十餘載山無伏莽奉正朔者億萬斯年中外歡  
騰臣民抃舞咸等生長東南窪下之地曩有泛  
濫不時之虞自

鑾駕數臨神謀屢頌兩河悉臻底定澤國盡屬沃壤頻  
年以來民生安業士樂絃歌皆

聖天子良謀睿算之所致也成等身受

皇恩圖報無由欣逢康熙五十二年三月十八日

聖主六旬萬壽昌期臣等赴京叩祝

萬壽虔申草野之愚忱獲覲

龍顏乃遂生平之素願蒙賞

御宴得嘗



天家異味又

命皇子皇孫手賜霞觴受寵

九重成等草野愚氓何以當此

異數隆施仰沐

天恩有加無已復計年頒賜野老徧霑真亘古罕觀千

載難逢者也成等還家喜不自禁欽遵

上諭徧告里隣以及親族子姪教之孝悌勉之禮讓以

期母負

皇上諄切訓誥至意宣布之下里隣士民間之無不感

激歡騰與成等蚤夜虔禱惟願

皇上壽與天齊福同地久成等生生世世永戴

皇仁於無既矣為此籲情特疏代題恭謝

天恩臣目擊輿情真切不敢壅於

上聞理合具疏題報謹

題

巡撫廣西等處地方提督軍務兵部左侍郎

兼都察院右副都御史加三級臣陳元龍謹  
題為

聖朝養老恩隆惇倫化遠謹據輿情恭謝

天恩事臣於本年五月初五日接准戶部咨文為移送  
事准內閣典籍廳文開本月二十五日奉

上諭各直省老人諭旨欽此刊刻刷印一千張發戶部  
均發順天府府尹并各直省撫院轉給來京祝  
壽耆老不可遺悞等因前來應將所頒

上諭行文各直省巡撫并順天府府尹照依所頒

上諭如式刊刻刷印轉給該地方耆老不可遺悞仍徧

行曉諭可也等因到臣臣即行布政司照依所

頒

上諭如式刊刻刷印轉發各府州縣查給地方耆老仍徧

行曉諭自城市以至鄉村雖山陬溪洞至遠極

僻之處務期宣示周徧咸知我

皇上以教孝教弟為移風易俗之根本

御筆親撰諭旨不憚諄諄告誡雖堯之平章百姓舜之敬敷五教未有如

聖諭之愷惻深摯切近詳明入人者深動人者遠即至愚夫愚婦無不為之感發而興起也茲據桂林府臨桂縣耆老李昌泰陳三生黃雲極等公呈稱昌等幸逢仁壽之世皆登耄耋之年生長邊方未嫻禮教伏讀

聖諭講究孝弟之本心昌等在各鄉各村傳集老幼人

等宣讀講論人人聳聽有感激而涕泗交頤者  
有愧慙而頭低面赤者有歡忭而踴躍鼓舞者  
北望叩頭齊聲皆呼

萬歲從此父慈子孝兄友弟恭各愛其親各敬其長獄  
訟自息盜賊自銷真成熙熙皞皞之風矣昌等  
年老之人仰荷

皇恩賞賚皆得衣帛食肉似此養老仁政亘古所無今  
見風俗淳厚子孫孝謹相與含哺鼓腹歌詠太

平正未有艾普天耆老無非

聖壽錫福所賜但微賤小民感戴之誠無由上達願求

代

題等情又據布政使黃國材具詳轉據桂林府吳元  
臣等各據所屬耆老等公呈懇乞代

題恭謝

天恩等情前來臣不敢壅於

上聞理合據情代

題伏乞

皇上睿鑒施行謹具題

知

巡撫福建等處地方提督軍務都察院右副

都御史臣覺羅滿保謹

題為

聖壽同天

皇恩如海籲請詳



題代謝以達輿情事據福建布政使司布政使李發  
甲呈詳據福州興化泉州漳州延平建寧邵武  
汀州臺灣九府并福寧州會詳據各縣詳據通  
省在京領賞八十歲以上老人張獻福郭日新  
陳萬春等在籍領賞侯題建坊一百一歲老人  
李華天張岳榮等呈稱福等幸生

聖世飽食暖衣抱子弄孫不識不知優游於光天化日  
之下熙恬於歌衢舞巷之中身享太平之樂至

美極矣恭逢

聖天子六旬大慶

福等有赴京叩祝者有在家遥祝者

欽蒙

皇上大沛殊恩在京叩祝者既已袖滿

帑金屑霑

御酒在外遥祝者亦得身披輕暖腹飽肥甘又蒙

諭旨渙頒令福等教訓里閭共敦孝弟

福等蒙此

天恩無可圖報惟願合天下萬國九州億萬老人之壽

為

皇帝萬萬歲一人之壽不勝踴躍歡呼伏乞轉詳代  
題等情前來臣目覩輿情真切不敢壅於

上聞理合具疏題報謹

題

萬壽盛典初集卷二十一

欽定四庫全書

萬壽盛典初集卷二十二

典禮六

大醺

康熙五十二年二月二十九日丁丑

上以直省臣民來京慶祝

萬壽者人數繁多穀值騰貴

命吏部尚書管倉塲事宜寧安等發京倉米石減價平

糶自三月初一日至於三十日

本年三月十八日恭遇

聖壽六旬九州萬國以迄蕃衛遐荒之地凡含抱血氣  
稟受正朔者莫不鼓舞歡忭嬉遊太平自冬及  
春遠近趨赴

京師百道並集都城內外衢街填塞至車馬不能通  
行二月二十九日奉

上諭諭吏部尚書管倉場事富寧安戶部左侍郎塔進  
泰右侍郎噶敏圖朕今日自暢春園來詢問米價云

比往年稍貴緣今歲天下各省人民來集者甚多米  
價故較往年翔貴現今倉內米數充足先發一萬石  
照時價減糶則來集人民可以賤價得米而京城米  
石又得盈餘於民生大有裨益若一萬石不敷再發  
一萬石糶賣亦止需米二萬石而已爾等將價值定  
議具奏即發米自明日初一日糶起至月終止特諭  
三月初一日吏部尚書管倉場事臣富寧安等  
題為欽奉

上諭事本年二月二十九日奉

上諭朕今日自暢春園來詢問米價云比往年稍貴緣  
今歲天下各省人民來集者甚多米價故較往年翔  
貴現今倉內米數充足先發一萬石照時價減糶則  
來集人民可以賤價得米而京城米石又得盈餘於  
民生大有裨益若一萬石不敷再發一萬石糶賣亦  
止需米二萬石而已爾等將價值定議具奏即發米  
自明月初一日糶起至月終止欽此欽遵查京城米



石時價老米每石銀一兩二錢糴米每石一兩  
粟米每石六錢今所糴米石比時價每石各減  
一錢其米石自京倉發出令五城滿漢御史并  
派出各部院賢能滿司官五員公同收領在於  
城外關廂通衢地方設立米廠照比定價糴賣  
務使天下來集人民實獲裨益至此米倘有糴  
買積貯販賣者嚴行查拏臣等親身不時巡察  
倘有時價多賣或將米石糴出或被旁人首告

即行題叅將官員人等一并交與該部從重治罪恭候

命下將此現發米石自三月初一日起在於月內糶賣如有不敷奏

聞續發不過一萬石亦照定價糶賣相應刊刻告示張掛五城九門曉諭可也奉

旨依議

三月初一日戊寅直省來京耆庶分建龍棚祝

釐於是日經始民始大酺樂

是月初一日都城內外臣民祝釐各從其班不下百餘所其自西直門至

暢春園二十里直省耆庶夾道營構雕鏤綺繡為樓臺亭榭之屬宛然天成駕以飛梁中絕馳道每數百步恭設

御幄臣民會迎

法駕各從其鄉左右如雁行前後如魚貫往來縱觀飲

食宴樂

諸王貝勒以下出入止呵殿八旗添設巡徼員役以修火禁詰游民之鬪鬪陵擾於道者其餘郊圻遠近選勝祝釐之地不可勝數俱於初一日始天下人民所在酺樂亦於是日始也

初八日乙酉宗人府奏

進諸王大臣慶賀桌張

命於十七日回

宮給賜沿途直省耆庶并派八旗大臣侍衛及王府  
護衛官監視徧行賞給

初八日宗人府奏請

皇上六旬大慶諸王大臣進貢餽餽桌子二百張飯桌  
子二百張奉

旨

皇太后所用桌面朕所用桌面并內裏所用桌俱交內飯  
房備辦諸王大臣所進餽餽桌子飯桌子俱不必過

二百張十七日朕進早膳後進城欲賞沿途各省耆庶人等賞賜之時著派出大人侍衛監看諸王亦各派出所屬才幹護衛官員監看賞賜

十三日庚寅西直門至

暢春園

御道所經直省耆庶張燈奏樂彌望無際人民自為曹偶席地飲酒行炙徧滿繡陌歡聲如雷停夜遊之禁燈火數十里宵行如白晝禁任重車不

得出入西直門以便行者自十三日至於二十

一日

每年逢

萬壽節自十五日起至二十一日止百官朝服不理刑  
名照常辦事今則廣七日為二十一日而自十  
三日至二十一日縱民酺樂停止夜禁皆前此  
未有也

十七日甲午昧爽八旗諸王大臣各遣所屬員

役陳列慶賀桌張自

暢春園至神武門鱗次櫛比數十里不絕每席槃匱  
三層覆以黃封食窮甘脆之味果備水陸之產  
八旗大臣侍衛及王府護衛官往來監視頃之

上起

駕還

宮監視官員遙望

華蓋將近即揭黃封芬馥盈路



諸皇子皇孫扶

御輦徐行止警蹕

聖容溫霽徧行頒賜耆老進前者別賜內製粬粒如蟠  
桃大容一升人給一枚多者三四枚於時黃童  
白叟充滿懷袖俟屬車豹尾過訖飽飫歡笑淋  
漓狼藉是日受賜者億萬人凡散桌張一千七  
百六十有奇

諸皇子四百九十五張

親王三百六十張郡王二百七十張貝勒一百八十張貝子一百五十張鎮國公輔國公共二百十張八旗鎮國將軍以下散宗以上共五十張覺羅共五十張已上共桌一千七百六十五張  
十八日乙未

上受朝賀禮畢仍

幸暢春園止警蹕萬國耆庶再覲

天顏人人喜躍是日頒

恩詔大赦天下人民新沐

聖澤歌舞昇平各從其類為讌樂西直門內外數十里  
遨遊徵逐至於達旦

是日所頒

覃恩詔款普天率土無不沾濡又奉有月內筵宴來京  
老人之

旨人心翕然欣喜百倍

二十三日庚子吏部尚書管倉場事富寧安等

以都城人數益繁請遵前

旨再發京倉米石平糶從之

二十三日吏部尚書管倉場事富寧安等摺

奏發出倉米一萬石自本月初一日起至二十一日

已經糶完今請再發倉米五千石賣至月終奉

旨發米糶賣於民大有裨益著再發一萬石照前糶賣

是月也百官出入朝服自初一日至於二十一

日不理刑名訖於三十日冠裳肅雍曹司清暇

萬國人民忘所疾苦坦坦熙熙惟以酺樂為事  
自三月初一日至二十一日百官朝服從禮臣  
題請自初一日至三十日不理刑名從直隸撫  
臣趙宏燮題請也詳見朝賀恤刑二卷中

是月也直省將軍督撫大僚各率其屬就所近  
名山祝釐其省會府州縣治耆庶畢會張設讌  
樂以及十室之邑一閩之市郵亭墟落無不含  
哺鼓腹謳歌

聖德至於朝貢諸國邊徼諸部亦皆內嚮懽呼各從其俗相聚為酺樂

直省臣庶酺樂詳見將軍督撫提鎮題報赴嶽日期及恭謝

天恩等奏疏中外藩臣庶酺樂詳見朝鮮國王等慶賀表及恭謝

天恩等奏疏中

是月也自初一日至於二十一日風和日麗晴

雲卷舒醑樂浹人心愉暢二十二日澍雨應時

上隨命宴賞來京耆老

諭令歸農訖於是月萬國人民各還本業

聖朝恩賚之典次第舉行矣

先是每年

萬壽節中外臣民慶賀宴樂先後三日歲以為常至是聖壽六旬溥天之下醑樂者一月而

京師萬國和會賜酺之盛尤史書所未覩也粵稽陶  
唐之世天下雍和百姓無事有康衢之謡擊壤  
之歌華封之祝含哺鼓腹傳誦至今詩三百篇  
多善禱萬壽之辭其達於庶民者大率春秋祈  
報躋堂稱觥上以抒忠愛之誠而比閭族黨以  
其間相與為樂然觀酒誥有羣飲之刑周官嚴  
屬遊之禁則其時民間酒食徵逐初無禁忌者  
匝歲之中間一行之孔子所謂百日之蜡一日



之澤是也漢文帝時始有賜酺之令酺之為言  
布也王者布德於天下也漢律三人已上無故  
羣飲者罰金今詔橫賜得會聚飲食故曰大酺  
自後逢國慶典必推行之東漢迄於隋唐悉遵  
其制今按史書所載賜天下百戶牛酒給京師  
酺布戶一匹或兩戶三戶共一匹又慮遠方觀  
者來往狼狽詔夜開坊門金吾鎮護所謂大酺  
之會與人同歡然考其期多不過五日少則三

日而已至唐肇置三令節令民人至於其日讌  
飲為歡於是曲水禊亭重陽射圃登臨遊覽之  
樂九域同風流傳篇什然無關於國典其就誕  
聖之辰令村社置酒宴樂先行報賽尤附會不  
經未合禮制以視中天之世天下一家與民偕  
樂之氣象相去穹壤蓋不可以遠近計矣

皇上臨御五十餘年子養元元湛恩汪濊六合之中同  
一父母恭逢

聖壽六旬人心說豫行者踴躍朝賀居者瞻望謳歌臣等伏覩行慶施惠始自

京師人民衆多則發

御廩數萬石老稚忭舞則徹

御饌數千席臣僚耆老倣古躋堂獻壽之儀夾道分

曹陳設燕樂四裔來覲喜而忘歸萬姓縱觀戀

戀而不忍去經旬涉月游泳太和自古大酺之

會未有比隆者也至於名山之靈異都會之繁

昌荒陬窮溼遠徼絕塞舟車之所通達日月之所出沒追逐良辰嬉遊高會者所在成聚山川雲物並助光華鳥獸草木罔不咸若小雅蓼蕭之詩澤及四海大雅既醉之詩醉飽太平此其徵矣夫自唐以後寬羣飲之禁賜酺間見於史書然國家令甲所及與人情和樂所致孰大而孰小推恩於三日五日與飫德於上旬下旬孰久而孰暫孟子曰樂以天下韓愈曰樂而不失

其正所以同其休宣其和感其心成其文也今  
之醕樂正合斯義

皇上宵衣旰食端拱於穆清之中以

一人之憂勤成天下之逸樂海宇寧謐時和歲豐適遇  
昌期表茲盛事蓋克典稱協和萬邦於今再覩休烈  
豈三代以下所能仿其萬一也哉

萬壽盛典初集卷二十二